

დღიურა

დეკემბერი
2012

108-3

6 3 0



ქობა ქრისტე

3. გორგაძე

თოვლით მოსილ მთების მწვერვალს
შავი ღამის კალთა ჰყარავს;
ტბის მშვიდ ტალღას მიძინებულს
ცის ღიმილი სიზმარს ჰარავს!..
სმინავს არეს... ლურჯ სიფრცეში
ღრუბელთ შორის ცურავს მთვარე.
ცა მკერდს ინთებს ოქროს-ფერად,
მოციმიმე, მოელვარე!..
ჰა, უერად ცის გუმბათზე
შეკრთა ნაზი ვარსკვლავთ კრება

და ქვეუნას მიახარა
ქრისტე ღმერთის დაბადება.
იშვა ქრისტე... ჩაგრულ სოფელს
მაცხოვარი მოევლინა,
ქვეუნად შვება მოიტანა
და მშვიდობა ცათა შინა.
ღღეს შობაა... — ეინულის ქვეშ
მღერის წეარო მაღალ მთისა...
მღერის იგი, და მას ბანით
უბასუხებს სიზი კლდისა...

„ნაკადული“, 1913 წ. N12

ქრისტე

ბავშვებს და უფროსებსაც დღესასწაულებს შორის ყველაზე მეტად შობა გვიყვარს. იმიტომ, რომ ამ დღეებში ყველა ეკლესიაშია, არც სკოლაში ვართ წასასვლელები, არც სამსახურში. ვრთავთ ნაძვის ხეს, ჩიჩილაკს, ვჭამთ უამრავ ტკბილეულს – გოზინაყს, კანფეტებს, ვიღებთ საჩუქრებს, ვხალისობთ სტუმრებთან ერთად. იმიტომ, რომ ამ დღეს იესო ქრისტეს დაბადების დღეა.

მაცხოვარი – იესო ქრისტე – ყველასთვის მოდის. თავისი შობით ის აერთიანებს მთელ სამყაროს – ზეცას და მიწას, ანგელოზებს და ადამიანებს; ადამიანთაგან რჩეულერსაც და წარმართებსაც მათ, ვინც წამდვილად ეძებს ღმერთს, განსწავლულ მეცნიერებსა და უბრალო განუსწავლელ მორწმუნებს. ქრისტე ყოველთვის მოდის მიწაზე, მათ შორის შენთვისაც. იგი 2000 წელზე მეტი წელი იშვა, მაგრამ შობა არ „დამთავრებულა“. შობა რჩება მარადისობაში, ის მარად, სულ ხდება. რათა შენ, ვინც მრავალი საუკუნის შემდეგ დაიბადე, გახდე მისი მონაწილე, რომ იცნო იესო, რომ თაყვანი სცე მას, და შენი გული ამქვეყნისთვის უცნობი სიხარულით აივსოს, რომ გახდე ღმერთის შვილი და მის სამეფოში მასთან ერთად იმეფო დაუსრულებლად.

როგორ, როგორ უნდა შევიდე მარადისობაში, იქ, სადაც იშვა მაცხოვარი? – იკითხავ შენ.

მარადისობაში შესასვლელი კარი არის ეკლესია. ჩვენსა და მარადისობას შორის დროის უხილავი ფარდა ჩამოფარებული. დღესასწაულზე დრო ფარდასავით გადაიწევა ხოლმე და ჩვენ შეგვიძლია მიწიდან მარადისობაში შევაბიჯოთ, გავხდეთ შობის არა მხოლოდ დამსწრები, არა მხოლოდ მაყურებლები, არამედ მისი მონაწილენი. როგორ? ეკლესია არის ის საოცარი ადგილი, სადაც ერთანეთს ხვდება ზეცა და მიწა, მარადისობა და ჩვენი დრო, ღმერთი და ადამიანი.

და აი, რეკავს სადღესასწაულო ზარები. ის მოგვიწოდებს, გვეპატიუჟება ღმერთის დაბადების დღეზე. მაცხოვარი მრავალი საუკუნის წინათაც იშვა და ახლაც, აი, ამ წამსაც იშვება, ის ბეთლემში, ბაგაში დაიბადა, მაგრამ ახლა მას სურს, რომ შენი გულის ჯიბეში იშვას. შენც შეგიძლია ღვთისმშობლის მსგავსად, რომელიც ზრუნავდა ჩვილი იესოს გაზრდაზე, გაზარდო ღვთის ძალა შენში, გაამრავლო მადლი; მართალი იოსების მსგავსად, პატარა იესო დაიცვა ურწმუნოებისაგან და ცოდვისაგან, რომელსაც მისი მოკვლა სურს; მოგვების მსგავსად შეისწავლო სამყარო და აღმოაჩინო, რომ სამყაროსაც იგივე ღმერთი აღავსებს, რომელიც შენს გულშია; მწყემსების მსგავსად თაყვანი სცე ღმერთს და გაიხარო მისი ჩვენთან მობრძანებით; ანგელოზების მსგავსად უგალობო შენი კეთილი საქმეებით და შენივე საქმეებით ემსახურო მას.

მხატვარი მაკა ჩხაიძე



აი, როგორი ახლობელია მიწისა და ცის შემოქმედი ღმერთი შენთვის.

ღმერთმა ინებოს, რომ შობის ეს საოცარი საიდუმლო შენს გულშიც აღსრულებულიყოს და სიხარული ამ დღესასწაულისა არასოდეს დაგვიწყებოდეს. ამინ!

მასალის სრული ვარიანტი იხილეთ „დილის“ საყმანვილო ბიბლიოთეკის // ნიგნში „ჩვენი სარწმუნოება“.



პირველი შობის ხე

(ლეგენდა)

ყური დამიგდეთ – რა გიამბოთ!..

როცა დაიძადა პატარა იქსო და დვოისმშობელმა ბავშვი ბაგაში თივაზე დააწვინა, ზეციდან მის სანახავად ანგელოზები ჩამოვიდნენ. დაინახეს უბრალო, დარიბული მდვიმე და ბაგა და დაიწყეს ერთმანეთში ჩურჩული:

– იქსოს მდვიმეში, უბრალო ბაგაში სძინავს! ეს შეუძლებელია! უნდა მოირთოს აქაურობა, რაც შეიძლება ლამაზად, მდიდრულად: აქ ხომ თვით დმერთს სძინავს!

და აი, ერთი ანგელოზი გაფრინდა სამხრეთისკენ, რომ რამე ეპოვა მდვიმის მოსართავად. სამხრეთში მუდამ თბილა და ყვავილები განუწყვეტლად ყვავიან.

ანგელოზმა დაკრიფა სისხლივით წითელი მრავალი ვარდი, თოვლივით ოქორი ზამბანი, მხიარული სუმბული, ნაზი მიმოზა, მაგნოლია, კამელია, მოწყვიტა რამდენიმე მსხვილი ლოტოსი... და ყველა ეს ერთად მდვიმეში მიიტანა.

მეორე ანგელოზი /კი ჩრდილოეთისკენ გაფრინდა. იქ იმ დროს ზამთარი იყო. მინდვრები და ტყეები მთლად დაეფარა თოვლს და ერთი ყვავილიც არ მოიპოვებოდა.

დაღონებული ანგელოზი უკან დაბრუნებას აპირებდა, როცა უცბად თვალი შეასწრო ერთ მწვანე ხეს, რომელიც თოვლიდან ნაღლიანად გამოიცქირებოდა.

მწატვარი
ნუცა ჩაჩანიძე

ანგელოზი შეჩერდა და გაიფიქრა: რა უშავს, რომ ეს ხე
ასე სადაა, დაე, ამანაც, ამ ერთადერთმა ჩრდილოეთის მცენა-
რებაც ნახოს პატარა დმერთი, და თან წამოიდო ეს თავ-
მდაბალი ჩრდილოეთის ხე, მწვანით მოსილი ნაძვი.

რა ლამაზად, რა საოცრად იცვალა ფერი მღვიმემ,
როცა ყვავილებით მოირთო! ანგელოზები გაკვირვე-
ბით ჩასცეროდნენ იქსოს და ამბობდნენ;

— სუ, ჩუმად, იმას სძინავ!

პატარა ნაძვის ხე პირველად ხედავდა ამისთანა
მშენიერ ყვავილებს და ნაღვლიანად ამბობდა:

— ოჟ, რადა ვარ ასე სადა და ულამაზო? რა ბედნიერი უნ-
და იყვნენ ეს ყვავილები! მე კი ვერ გავალამაზებ აქაურობას, ამ დი-
დებული დდესასწაულის დდეს... და მწარედ, მწარედ ატირდა ნაძვი.

როცა ღვთისმშობელმა დაინახა, შეებრალა ნაძვის ხე და გაიფიქ-
რა: ყველა კმაყოფილი და ბედნიერი უნდა იყოს დდეს; ცოდვაა, რომ
ეს პატარა ხე ნაღვლიანია!!

მან ალერსიანად გაუღიმა პატარა ნაძვის ხეს და ხელი გააქნია...

მაშინ მოხდა სასწაული: ზეციდან ნელა და შვა ბრწყინვალე ვარს-
კვლავი და ნაძვის კენჭეროზე დაესვენა. მას თანდათან მოჰყვნენ სხვა ვარსკვ-
ლავებიც, და მთლად გაანათეს იგი! უცბად გაშუქდა და უფრო გამხიარულდა
მღვიმე!

გამოედვიძა ამ სინათლისგან პატარა იქსოს, რომელსაც ბაგაში ეძინა, და გა-
ჩირადნებულ ნაძვის ხეს მხიარული სიცილით ხელები გაუწოდა! ყვავილები
კი გაკვირვებულნი უყურებდნენ ერთმანეთს და ამბობდნენ:

— რა მშვენიერი და რა ლამაზი გახდა ეს ხე, ჩვენ გვჯობია.

ნაძვის ხე კი თავს ბედნიერად თვლიდა!

ამის შემდეგ ყოველ წელს შობას ხალხი თავისი პატარა ბავშვებისათვის
ნაძვის ხეს რთავს, მსგავსად იმ პირველი შობის ხისა, რომელიც ნამდვილი ვარ-
სკვლავებით იყო მორთული.



თარგმნა მარიამ
პაათაშვილმა
„ნაკადული“, 1916 წ. N23-24



პიტოს თანები



ახალი წლის ღამეს, როცა
დიდ-პატარა სამზარეულო-
ში ფუსფუსებდა, თაგვმა
პიპომ დრო იხელთა,
ოთახში ჩუმად შეიპარა
და ნაძვის ხის ქვეშ დაწყ-
ობილი, ფერად-ფერად
ქალალდებში შეფუ-
თული საჩუქრები თავის
სოროში წააცუნცულა.



დააკვირდი მეორე
ნახატს და დაითვალე,
ოჯახის რამდენი წევრი
დარჩა უსაჩუქროდ.



სასხლის საჩუქრები

ოჯახში სუთი ბავშვი ცხოვრობს. როგორც ყველა პატარა, ისინიც მთელი წელი სულმოუთქმელად ელოდებოდნენ ახალი წლის მოსვლას და თოვლის პაპის საჩუქრებს, რომელსაც წერილებს უგზავნიდნენ და თავიანთ სურვილებს უთვლიდნენ. სწერდნენ, რომ კარგად იქცეოდნენ, მშობლებსა არ აბრაზებდნენ და, რა თქმა უნდა, კეთილმა თოვლის პაპამაც ოცნებები აუსრულა: დილით გაღვიძებულებს საახალწლო წინდებში ჩანცობილი საჩუქრები დაახვედრა.

შეეცადე, გაარკვიო, რომელი ბავშვი რამდენი წლისაა, ვის რა საჩუქარი შეხვდა და რომელ წინდაში იდო მისი სათამაშო, თუ იცი, რომ:

- და-ძმებს შორის უფროსი გოგოა, ის 10 წლისაა და საჩუქრად წიგნი მიიღო.
- ოჯახში ნაბოლარა 2 წლის ქეთია. გოგონას ასაკი ემთხვევა მისთვის განკუთვნილ წინდის ნომერს და ვიცით, რომ თოვლის პაპას თოვებინა სთხოვა.
- სანდრო 2 წლით უფროსია იმ ძმაზე, რომელსაც საჩუქრად მანქანა ერგო.
- დათოს საჩუქარი ლუწნომრიან წინდაში იდო. იგი ქეთიზე 2 წლით უფროსია.
- თოვლის პაპამ უფროსის საჩუქარი მარცხნიდან პირველ წინდაში ჩადო.
- კონსტრუქტორი იმ ბიჭის საჩუქარია, რომლის წინდა მხოლოდ დათოს საჩუქარს ესაზღვრებოდა.
- მარი 2 წლით უმცროსია დაიკო ანიზე, რომელმაც ქოლგა ინატრა. თოვლის პაპამ მისი საჩუქარი შუა წინდაში ჩადო.



სახელი	ასაკი	საჩუქარი	წილის ნომერი
სანდრო			
ანი			
მარი			
დათო			
ქეთი			

მხატვარი
რომენა შელეგია




ლოგოტიპის ხელმისაწვდომობრივი

საქართველოში ახალი წლის შემობრძანება მუდამ განსაკუთრებული დღესასწაულია, ამიტომ მასთან დაკავშირებულ რიტუალს ყოველი კუთხით უძველესი დროიდან ტრადიციულად იცავს და ბევრი რამ დღემდეა შემორჩენილი.

ეთნოგრაფიული გამოკვლევები ადასტურებს, რომ ბედნიერი წელიწადის დასაბევებლად საქართველოს მთელ რიგ რაიონებში სრულდებოდა სხვადასხვა საახალწლო რიტუალი: თოვის სროლა,

ნმინდა ხით კერაზე ცეცხლის შეკეთება, კერის გარშემო ლოცვა, ზოგან – საახალწლო ხის, ჩიჩილაკის დამზადება, ასევე მეკვლის არჩევა და ტაბლის შემკრბა. საქართველოში საახალწლო ტაბლას, პირველ ყოვლისა, ამშვენებდა ბასილას ფიგურა და მისი კვერები.

 ბასილა (ბასილი) არის ნახევრად წარმართული ღვთაება, რომელიც შერწყმულია ქრისტიანული ეკლესიის მოღვაწის, ბასილი დიდის სახელთან. ამ წმინდანის სახელს უკავშირდება ავრეთვე საახალწლო ხე – „ჩიჩილაკი“, რომელიც უმეტესად დასაცლეთ საქართველოში იყო გავრცელებული. ნედლი თხილის ჯოხისგან გაკეთებულ ამ ხეს ასობით ბურბუმელა ამშვენებს, რის გამოც მას „ბასილას წვერს“ ეძახდნენ.

როგორც ცნობილია, საქართველოში საახალწლოდ, სხვა რიტუალურ პურებთან ერთად, ცხვებოდა კაცის ფორმის პური, რომელსაც ხალხში ბასილას კვერს ეძახდნენ. მას დებდნენ სამეცვლეო გობზე, ხონჩაზე თუ თეფზე, რომლითაც მეკვლე შემოლოცვის რიტუალს ატარებდა. ბასილას კვერი აუცილებლად უნდა ეჭამა ოჯახის ყველა ნევრს.

 ქართლში, როგორც ყველგან, დიდი სიხარულით ელოდნენ ახალი წლის დადგომას. ასუთავებდნენ და წმენდნენ დარბაზის ყველა კუთხე-კუნჭულს, დარბაზში გაჩაღებული იყო შუაცეცხლი, იატაკი ფარდაგ-ხალიჩებით ჰქონდათ მოფენილი, კედელთან ფერად-ფერადი აჭრელებული სკივრები იდგა, ბოძებზე ეკიდა თოფ-იარაღი. საახალწლოდ მთელი ჯალაბი მიუჯდებოდა თბილ კერას და ნადიმობდა, კერას წინ ხონჩით „აბრამიანი“ (სხვადასხვა სანოვაგით შემკული ტაბლა) იდგა, ხონჩაზე ეწყო ღორის თავი, მრგვლად მოხარშული დედალი, ხელადა ღვინო...

დილით ადრე ოჯახის უფროსი გაიტანდა აბრამიანს, სახლს სამჯერ შემოუვლიდა, მერე ბოსელში შევიდოდა და საქონელს მიულოცავდა. დარბაზში დაბრუნებული კერიასთან მივიდოდა, ცეცხლს შეუჩიჩინებდა და როცა ნაპერნ კულები ავიდოდა მაღლა, იტყოდა: „ამდენი ხარი, ამდენი ძროხა, ამდენი ღორი...“. მერე ოჯახის წევრებს თაფლით „დააბერებდა“.

 კახეთში ოჯახის დიასახლისი იჯახის ყველა წევრისათვის აცხობდა რიტუალურ პურებს – ბედისკვერს, ბასილას, ვაჟებისთვის – სახრეს, ნამგალს, გუთანს, სახნისს; ქალებისთვის – ჯარას, კრუხ-წიწილას... აცხობდნენ ასევე ფრთიან ჩიტებს, პურებს ვაზისთვის, მიცვალებულისთვის და ა. შ.

ცხრილზე ან ტაბლაზე დააწყობდნენ წვრილ კვერცხებს, ცივად მოხარშულ დედალს, ინდაურს, ლორის თავს, ჩურჩხელას,



გოზინაყს, ჩამიჩს, ვაშლს, ნა-
ზუქებს, რიტუალურ პურებს,
დადგამდნენ ჯამს წყლით,
ღვინით, თაფლით, რომელშიც
პურის დიდ ლუკმებს ჩაყრიდნენ.

ამგვარად გამზადებულ საახალწლო სანოვაგეს კახეთში „საკვლევარს“ უწოდებდნენ. „საკვლევა-
რი“ უმეტეს შემთხვევაში მზადდებოდა საღამოს, მეორე დღისათვის.

მეკვლე დილით „საკვლევარს“ ანთებულ სანთლებს მიაკრავდა, აიღებდა და გარეთ გავიდოდა. საკვლევარი ორ კაცს უნდა აეღო ხელში. ერთი იტყოდა: „წავიდა ძველი წელი“, მეორე – „მოვიდა ახალი წელი“. ამ დროს თოფებს ისროდნენ, თან ამბობდნენ: „ცუდი წელი წავიდეს, ახალი წელი მო-
ვიდეს“. თოფების სროლით ავი სულების განდევნას ცდილობდნენ. მეკვლე მოივლიდა ყველა სამე-
ურნეო ნაგებობას, ყველას და ყველაფერს „მიუკვლევდა“ – მიულოცავდა, ხარის ზურგზე კვერცხს
გადაატარებდა და იტყოდა, ასე გაჭედილი, ასე სავსე იყავიო.

ახალი წლის მეორე დილას მთელ საქართველოში „მეკვლის“ დღეს, ანუ ძველებურად, „ფერხვაობას“ უწო-
დებენ. მეკვლე „ფეხბედნიერს“ ნიშნავს. ის გამთენისას პირველი უნდა მივიდეს მასპინძლის სახლში და რაც
იმ წელს სიკეთე ან ცუდი ამბავი მოუვა ოჯახს, მეკვლის ფეხზეა დამოკიდებული.

გურიაში ახალ წელს ძველთაგან კალანდას ეძახდნენ. გათენდებოდა თუ არა, კაცები გადიოდნენ გარეთ, ქალები კი სახლში ლოცულობდნენ, შესთხოვდნენ ღმერთსა და ბასილას, რომ ახალ წელს
მათთვის ბედნიერება მოეტანა. ლოცვის შემდეგ კაცები ბრუნდებოდნენ. უფროსს მოჰქონდა ჩიჩი-
ლაკი და ლომის მარცვლით სავსე ქოთანი. ორჯერ შემოუვლიდა ოთახს, მი-
მოაბნევდა ლომის მარცვლებს, შემდეგ იწყებდა ლოცვას.

ახალი წლის მეორე დღეს გურიაში „ქათმის ფერხ-
ვა“ ეწოდებოდა. ოჯახში მოვიდოდა „მფერხავი“ –
მეკვლე. შევიდოდა საქათმები და „უფერ-
ხავდა“. იმ კუთხეში გავრცელებული
რწმენის მიხედვით, მფერხავის
თვისებებზე იყო დამოკიდებუ-
ლი მთელი წლის მანძილზე არა
მარტო ქათმებისა და, საერ-
თოდ, შინაური ფრინველის,
არამედ მთლიანად
ოჯახის კეთილ-
დღეობაც.

(გაგრძელება
გე-18 გვერდზე)



გევემოთის სტუმრობა
ნუ გვინია ხუმრობა





მხატვარი
ელენე ვარამაშვილი

ზატიუცემულო ცაო,
მოგმართავთ დიდი თხოვნით:
გამოგვიგ ზაგნეთ ბავშვებს
მონატრებული თოვლი!
ნუ მოიმარჯვებთ საცერს,
დაუშვით ფთილა-ფთილა,
სამი ღღე-ღამე ბარძნოს,
ოდონდ, იუკით ფრთხილად, —
არ შეერიოს წვიმა,
ცაო, თოვლ-ჭეაპით, აბა,
რას ვიგუნდავებთ ან რა
თოვლის ბაბუას დავდგამთ?!

მმები — გიგუ და დათა,
რომ შეგაწუხეთ თხოვნით,
დედიკოსთან ნუ გაგვთქვამთ!

ჩრდილო მოვა ცოცლის პაპა

მაშინ, როცა დებემბერი წავა,
გზას დაუთმობს იანვარს და თოვას,
ზატარებო, ახალი წლის ღამეს,
თოვლის ჩანა საჩუქრებით მოვა.
შეელაფერი დაუკერეთ მშობლებს,
სწავლით გული გაუხარეთ, თორებ,
თოვლის ჩანა ურჩ და ზარმაც ბავშვებს,
დამიჯერეთ, უსაჩუქროდ ტოვებს.

პიტოს და დათას ცხადილი ცას



ძალიან, ძალიან შორს, ერთ უდრან და დაბურულ ტყეში ყველა სულიერი მოუთმენლად ელოდა 31 დეკემბრის შუაღამის მოახლოებას. სასწაულისა და საჩუქრების მოლოდინში ციყვებს, მაჩვებს თუ დაოვებს ისევე გამალებით უცემდათ გულები, როგორც პატარა გოგო-ბიჭებს სჩვევიათ ხოლმე. განსაკუთრებით დელავდა სულ ციცქა ზღარბი, სახელად ფიოქო. ხუმრობა ხომ არ იყო, პირველად უნდა შეხვედროდა უცნაურ სტუმარს, აი იმას, დიდ-პატარა ახალ წელს რომ ეძახდა.

ფიოქო მართლაც თოვლივით ფიოქინა გახდდათ, ზურგზე თეთრი და რბილი ეკლები შვენოდა. ამიტომაც შეარქვა ერთმა ონავარმა ციყვმა ფიოქო და დანარჩენებმაც აიტაცეს.

საახალწლო სამზადისი ტყეში, ჩვეულებისამებრ, წინასწარ დაიწყეს. არ ვიცი, დაოვმა იზარმაცა, ლომმა თუ მგელმა, მაგრამ ბოლო დდისთვის მაინც შემორჩათ საფუსფუსო – გოზინაყი იყო მოსამზადებელი, დიდი, უზარმაზარი გოზინაყი, ტყის ყველა ბინადარს რომ შეხვედროდა. თან, თუ დათუნიას მადას გავითვალისწინებო... ამოდენა გოზინაყის მომზადება არ უნდა ყოფილიყო იოლი საქმე.



მხატვარი
როვენა შელეგია



ჰოდა, შუაგულ ტყეში აგიზგიზდა უშველებელი კოცონი, მასზე რის გაიგლახით შემოღეს ასევე უშველებელი ქვაბი. სოროებიდან, ბუდეებიდან და ბუნაგებიდან მოზიდული თხილ-კაკალი ერთიმეორის მიყოლებით ცვირდა გავარვარებულ თაფლში, რომელსაც უსაშველოდ გრძელტარიანი და მძიმე ციცხვით ძლიგდლივობით ურევდნენ ცხოველები. განსაკუთრებით ციყვები აქტიურობდნენ, თან თავიანთი სიმარჯვის ქებით დათუნიას თავს აბეჭრებდნენ. ბოლოს დაოგმაც დაკარგა მომზინება და გადაწყვიტა, ჰქუა ესწავლებინა ამ ბაქიებისთვის: სულ ერთი წუთით შეუშვა ტორი ციცხვს, გამოეცალა ქვაბს და ლიმილიანი სახით შორიდან დაუწყო ყურება კოვზის ტარიანად ჰაერში აფარფატებულ ციყვებს, რომლებიც განწირებული გაჰყვიროდნენ, გვიშველეთო.

ეს იყო და ეს, ხმა აღარ ამოუღიათ კუდფუმფულა ონავრებს, არც ბაქიაობის სურვილი გასჩენიათ. სამაგიეროდ ახლა ფიორებს გაეხსნა მადა: ჩუმად გამოეპარა სოროში მოფუსფუსე დედიკოს და დიდი მცდელობის შემდეგ, როგორც იქნა, ციცხის ტარზე მოახერხა შესკუპება.

გაიხარა, მაგრამ რა გაიხარა, თანაც, ხალხური ანდაზისა არ იყოს, მადა ჭამაში მოდისო და, ფიორესაც მეტი მოუნდა: დაიუინა, გინდა თუ არა, ციცხის თავში უნდა მოვექცეო; ბობდვაბობდვით კი მიაღწია სასურველ ადგილს, არც აღშფოთებულ ციყვებს უგდო ყური და არც მაჩვებს გაუგონა რამე, ის კი არა, დათუნიას ბრაზიანი მზერაც არად ჩააგდო. გონს მხოლოდ მაშინ მოვიდა, როცა ქვაბიდან ამოსული თხშივარი უსიამოვნოდ მიელამუნა თოვლივით ფიორება სახეზე.

— ვაიმე, ჩავარდება! — აყვირდნენ ციყვები და შიშისგან ყველამ ერთად გაუშვა ციცხვს თათო. ფიორები უფრო მეტად გადაექანა გაგარგარებული ქვაბისკენ, ცოტაც და...

დაზაფრულმა ციყვებმა ძლივს გაბედეს თვალებზე აფარებული თაოებიდან გამოჭყეტა და შვებით ამოისუნოქეს: დათუნიას ბუხუნა ტორში უსუსურად მობუზული ფიორეს დანახვაზე ტაშიც კი შემოჰკრეს.

მართალია, უყურადღებოდ დარჩენილი გოზინაყი ამასობაში ქვაბმა ცოტა მიიწვა, მაგრამ ამას ვინდა ჩიოდა.


ციყვებმა ლამაზად დაჭრილი გოზინაყი მუხის ფოთლებზე დააწყვეს, სუფრასოან მისი მიტანა კი ტყის ყველაზე პატარა და ჯიუტ ბინადარს, ფიორეს მიანდვეს, თან ყოველ ჯერზე ახსენებდნენ, რაც შენი საქმე არ არის, იმაზე თავს ნუ გამოიდებო.

ვისტავლოთ ხაცვა


1. თოვლის პაპის ხატვა დაიწყე წვერით;
2. ახლა სახე, ქუდი და ხელები მიუმატე;
3. შეეცადე, შეავსო ფიგურა: პაპას სჭირდება ჯოხი, აკლია მეორე თვალი, ულვაში და ფეხსაცმელი;
4. ახლა კი სცადე, სუფთა მინდორზე დახატო იგივე ფიგურა; ხელში გუდა დააჭერინე, მერე კი გააფერადე.



1



2



3



4



15

ვიზძები

რუსულან კუნაშვილი



რაო?.. თითს რატომ იშვერ გაჭვირვებული?.. აა! დაგვინახე არა?.. შენ გგონია, ბამბა ცვივა ციდან?.. მააშ!.. ეს ჩვენა ვართ, ბუმბულივით მსუბუქი ფიზ-ქე-ბი!.. ჩვენ მაშინ გესტუმრებით ხოლმე, როცა გარეთ ყინავს, ცივა, ზამთარია და... სადაცა ახალი წელიც მოვა!..

მართალია, შენ არ გესმის, მაგრამ იცი, ჩვენ ჩვენი, ფიფქების სიმდერაც გვაქეს და იმიტომაცაა, რომ ასე ბზრიალ-ბზრიალით, ცეკვა-ცეკვით ვეშვებით ციდან...

აბა, ხელები შემოგვიშვირე!.. ნახე, როგორი ცივები ვართ?!.. რა ვქნათ, ასეთები რომ არ ვიყოთ, უცებ გავდნებოდით და აღარც თოვლი იქნებოდა, აღარც გუნდაობა და აღარც ციგაობა.

ამიტომაც, ძალიან გთხოვ, როცა თოვლში გამოხვალ, რომ არ გაცივდე, ობილად ჩაიცვი. ჩვენ ყველაზე მეტად ბავშვების გაროობა და ურიამული გვიყვარს, რადგან ჩვენც ყველაზე მეტად იმათ ვუყვარვარო.

აბა, თბილი ხელთაომანები ხომ არ დაგრჩა?.. ყურებიანი ქუდი, თბილი კაშნე, ჩექმები?.. უჰ, როგორ შეფუთნილხარ!..

ახლა კი გამოდი! უჰ, რა თოვლია!.. უჰ, რა ჰაერია!.. უჰ, რა სილამაზეა!..



მხატვარი
ლიკა დემეტრაშვილი



დალი მაზებიშვილი

კარუანა - მარუანა



თაგუნებმა თათებით
თამელები ათვალეს,
თითო თაგვებმა თამელი
გადათვალა ათამდე
თურმე თათო თაგუნას
ხუთი თაგვი ჰუოლია.
ხუთჯერ ორი თამელი
ხულ რამდენის ტოლია?

მხატვარი
ძელი ბაინდურაშვილი





**სამეგრელოში კა-
ლანდის გასათენებლად
სამზადისი დღესასწაულის**
ნინა დღეს იწყებოდა. ყოველი მეგრელის ოჯახში დი-
დი ფუსფუსი იყო. მთელ სახლს საგულდაგულოდ ხე-
სავდნენ და ასუფთავებდნენ, იმარაგებდნენ სურსათ-
სანოვაგეს, შემას აპობდნენ მთელი სამი დღისთვის,
მოვალეებს ისტუმრებდნენ, რათა ახალ წელს ვალია-
ნობა არ დაჰპედებოდათ; კლავდნენ საკალანდო ღორს,
რომელსაც ჯერ კიდევ შობის მარხვიდან ასუქებდნენ.

საკალანდო ტაბლაზე საჭმელ-სასმელი უხვად უნდა ყო-
ფილიყო. საჭმელთა შორის საპატიო ადგილი ეჭირა „ბასი-
ლას“, ანუ წმინდა ბასილის სახელობაზე სიმინდის ფევილისაგან
გამომცხვარ მჭადს.

ახალი წლის მეორე დღეს მეგრელები „კუჩას“ უწოდებდნენ, რაც ფეხის ან
ტერფის დღეს, ფერხობას ნიშნავს.

**იმერეთში ახალი წლის წინა დღეს კეთდებოდა ჩიჩილაკი. ამ დღეს სახლში მოჰ-
ქონდათ სხვადასხვაგვარი მარადმწვანე და კენკროვანი მცენარეები. ყველაფერ ამას,
საახალწლო მოსალოცთან ერთად, დებდნენ გობმი. ძილის წინ ყველა, დიდი თუ პატარა,
თავქვეშ ერთ ნატეს შაქარს იდებდა.**

ახალ წელს, დილით ადრე, შინაური მეკვლე (ოჯახის წევრი) მისალოცი გობითა და
სავსე ხელადით გარეთ გავიდოდა, სახლს სამჯერ ლოცვა-ვედრებით გარს შემოუვლი-
და და კარზე დააკაკუნებდა: „რა მოგაქვს?“ – შეეკითხებოდნენ შიგნიდან. „ლვთისა და
ბატონის წყალობა, ჯანმრთელობა, პური და ღვინო!“ – უპასუხებდა მეკვლე. „კიდევ რა
მოგაქვს?“ – ჰკითხავდნენ შინაურები. „ლვთის სიკეთე და სიმრავლე!“ დაკეტილ კარს მეკ-
ვლეს მანამდე არ გაუღებდნენ, სანამ სამჯერ არ გაამეორებინებდნენ, რომ „ადამიანების-
თვის სიხარული, ჯანმრთელობა და ბედნიერება“ მოჰქონდა.

ახალი წლის პირველ დღეს არ შეიძლებოდა ცეცხლისთვის სულის შებერვა – მუცლის ბერ-
ვა იცისო; თმის დავარცხნა – თხელი ყანა მოგვივაო; სახლს არ დაგვიდნენ – ქარი წაიღებს პუ-
რის ნათესებსო და ა. შ.

ამ დღეს ყველა ფრთხილობდა, ცუდი და ავი საქმე არ შემემთხვეს – დამებედებაო...

**რაჭაში 31 დეკემბერს გლეხი ოჯახში ერთ მარხილ შეშას მიიტანდა. ამ დღეს უნდა დაეკლათ
საახალწლო ღორი, ვისაც ღორი არა ჰყავდა, ნებიერი (ნასუქი მოზვერი). ლამე აცხობდნენ
საახალწლო „ბაჭულებს“. აცხობდნენ კაც-ბასილას და ერთ დიდ პურს – „კერია-ბე-
რიას“, რომელიც პატარა რკალებით იყო აჭრელებული. ამ ნამცხვრებს ოჯახის
მეკვლე – „მაკურიელი“ – ცხრილზე დაალაგებდა, გვერდზე ერთ ბოთლ ღვინოს
მოუდგამდა და ბეღელში შეინახავდა.**

ბედობა დღეს რაჭაში „ფეხის დაპნიას“ ეძახიან. ამ დღეს ყველა რაჭველის
ოჯახში უნდა შესულიყო გარეშე „კლოვიარე“ (მეკვლე). მას მიაგებებდ-
ნენ გვერგვს (ჩიჩილაკის ნაირსახეობა) და დოქით ღვინოს.





და და თან დაილოცებოდა:

„შემოვდგი ფეხი გწყალობდეთ ღმერთი, ფეხი ჩემი, კვალი ანგელოზისაო, შემოვიდა ბასილაო, ეს ოჯახი პურითა და დვინით ავსილაო“. მას სუფრასთან დასვამდნენ და უმასპინძლდებოდნენ. დედაკაცები მეკვლეს ფეხქვეშ ჩუმად ქერს მიუბნევდნენ, შემდეგ ამ ქერს გამოხვეტდნენ და წინილებს დაუყრიდნენ – ქათმები მომრავლდებაო.

ფშავლები ახალი წლის შესახვედრად წინა დღიდანვე ემზადებოდნენ და ამ დღეს „ლიტანია დღეს“ უწოდებდნენ.

ლიტანია დღეს ფშავლები სახლის დასუფთავებას ადრიანად შეუდგებოდნენ, რომ უსუფთაობა არ დაპირდებოდათ. საკიდზე ქვაბს ჩამოჰკიდებდნენ და ვახშმად ხორცს ხარშავდნენ: ამ დღეს ოჯახი ქვაბშეუკიდებელი არ უნდა დარჩეს, რომ ბარაქა არ გამოელიოსო. სალამოს მოჰკონდათ ნედლი ხის ტოტები და კარის ზღურბლზე აწყობდნენ. ვახშმის შემდეგ ოჯახის დიასახლისი ბედის კვერების ცხობას შეუდგებოდა. ბედისკვერის გამოცხობის დროს ყველა გულისფანცქალით ელოდებოდა, რადგან ამბობდნენ, ვისი ბედისკვერიც გაფუვდება, ის ბედნიერი იქნებაო.

ლიტანიის სალამოს ოჯახის უფროსი მამაკაცი ხატში მიდიოდა, რომ ხატისთვის „წელიწდობა“ მიელოცა... ხევისბერი სანთლებს აანთებდა და ღამისმთეველებს ამწყალობებდა, შემდეგ ვახშმობდნენ.

მამლის პირველი ყივილისას დიასახლისი ადგებოდა, ჯალაბს ხმიადს გამოუცხობდა და ოჯახის წევრები ერთმანეთს „წელიწდობას“ ასე ულოცავდნენ: „დიდი გიმატოს ღმერთა, ახალმა წელმა, ახლით წლის გამოცვლამა“. ხმიადს დიასახლისი ხონჩაზე დებდა და მას კერის პირზე მიდგამდა, გარშემო თაფლ-ერბოიან ჯამებს შემოუწყობდა. შემდეგ ოჯახის ერთი წევრი წყალზე წავიდოდა, თან „ნაყრს“ – ყველსა და პურს წაიღებდა, იქ წყალში ჩაყრიდა და იტყოდა: „წყალო, ნაყრი მოგიტანე, ბედი გამომაყოლეო“, ამ წყალსაც დიასახლისი სუფრასთან მიდგამდა და იტყოდა: „ღმერთო, დიდება შენდა, ღმერთო, მადლი შენდა; ღმერთო, ყველა შენი გაჩენილია, შენ გბარივართ ცოცხალნიცა და მკვდარნიცა“.

ამის შემდეგ დიასახლისი ოჯახის წევრებს თაფლ-ერბოს შეაჭმევდა – „ტკბილად დააბერებდა“, ერთმანეთს ეტყოდნენ, ეგრემც ტკბილად დამიბერდებიო.

მესხეთ-ჯავახეთში ახალი წლის წინა დღით ოჯახი შეუდგებოდა მზადებას: იბრუნებდნენ განათხოვრებულ ჭურჭელსა და ავეჯს, რათა ოჯახის დოვლათი და ბარაქა სხვას არ დარჩენოდა, ყველაფერს ასუფთავებდნენ. და ალა-გებდნენ.

სალამოს დიასახლისი შეუდგებოდა საახალწლო კვერების გამოცხობას. პირველად გამოაცხობდნენ „ბასილას“, რომელსაც გრძელი წვერი და ნიგვზის თვალები ჰქონდა, დადებდნენ ტაბლაზე და წყალკურთხევამდე ინახავდნენ. შემდეგ აცხობდნენ: „ხარის ქედის“ პურს, მრგვალ კვერებს, ცხვრის „ბუჟუჟუნას“, რომლის ცომს სახრეზე დაახვევდნენ, ასევე შოთის მსგავს „ბედის პურებს“ – შიგ ფულს, აბაზს ან ორშაურიანს ჩადებდნენ. ბედის პურებს მეორე დღეს, ბედობას ჭრიდნენ. ვისაც ფული შეხვდებოდა, იმ წელიწადს წარმატება დაებედებოდა.

ბედობას მეკვლე სახლში ტკბილეულით შევიდო-



მხატვარი
ნუცა ჩაჩანიძე

ზაფორის ხითონები

— ვაწკრიალებ
ეინგის მძივებს,
მხე შორეთში
მიგამინე.

ქულა-ქულა,
ფანტელ-ფანტელ,
ციდან თოვლი
ჩამოვფანტე.
თოვლის კაბა
რომ ჩაიცვა,
გალამაზდა
დედამიწა.
ზოგი ფიფქი
სეზე დამრჩა,
ზოგი — სახლის
სახურავზე.
მოყანეროვა,
ოღონობოდო,
ხეგხუვები
ამოვავსე.
ზვინს ვაჩუქე
თეთრი ქურქი,
სახურავს კი -
მარაო.

აბუზლუნდა
სახურავი:
— დაგმიმდი და
კმარაო!
— თუ დამმიმდი,
ქარს მოვუხმობ,
მკვირცხლს და
თვალებკვესიას,
აუბერავს,
დაუბერავს,

როგორც ქარის
წესია.
თოვლში
ამოიგანგლება
სტენითა და
სხმარტალით.

მერე უინგა
გესტუმრებათ,
უჩინარი მხატვარი,
რომ მოქარგოს
თქვენს ფანჯრებზე
ზამთრის თეთრი
ზღაპარი.



დალი გაზმიშვილი

სიზმანეში თუ ცხალტი

თბილ ბუხართან გოგო-ბიჭი
როცა თვლემდა, მაშინ
თეთრწვერება ლამაზ ზამთარს
არ ეძინა ცაში.
გადმოეგდო ჯადოსნური
თოვლის თეთრი გუნდა
და ხატავდა ფანჯრის მინებს
უინვის აბლაბუდა.

მხატვარი
ნანა სანაია

კარტონი

თოვლის პაპა



თოვლის პაპის გასაკე-
თებლად დაგჭირდება:
თეთრი წინდა,
2 ცალი ღილი, ნაჭრის
თასმა კაშნესთვის, ძაფი,
ნემისი, მაკრატელი, შავი
და წითელი მარკერები,
დაწინჯი და, რა თქმა უნ-
და, შენი ფანტაზია.



1



2



აიღე წინდა და მოაჭერი ზედა, რეზინიანი ნაწილი, და-
ახლოებით, ქუსლს ზემოთ. ქვედა ნაწილი გამოიყენე
თოვლის პაპის დასამზადებლად: აავსე ის ბოლომდე
ბრინჯით და თავი მოუკარი ძაფით. დარჩენილ ზედა
ნაწილს კი ბოლოსკენ ძაფი მოახვიე და მიიღებ პატარა
ქუდს.

ახლა შენი ფანტაზია ჩართე: მოუხატე სახე, გააფორმე
ქუდი და კაშნე.



ა ბ ი ხ ე ჭ ი თ

საახალწლო ქოხი

1



2



3



4



საახალწლო სუფრის გასაღამაზებლად შეგიძლია შენი ხელით გააკეთო პატარა საახალწლო ქოხი. ეს ძალიან ადვილია: მიეცი ნამცხვრის ფირფიტებს სასურველი ფორმა და ათქვეფილი ნაღებით (ან თუ დედას ტორტისთვის გამზადებული კრემი მორჩა, შეგიძლია ის გამოიყენო) მიაწებე ერთმანეთს ნამცხვარი, ააშენე პატარა ქოხი და გააფორმე შენი ფანტაზიით.



შემადგენლობა:

1. ნამცხვარი;
2. ათქვეფილი ნაღები;
3. კანფეტები გასაფორმებლად.





შორის-პინკ ვებსაიტი!

ყდაზე ნახატი: ნანა სანაისი
გამოცემელი: ააპ საბავშვო მწერლობის
განვთარების ასოციაცია
ტელ: 272-97-67; 293-69-77
<http://www.dila.ge>, el-fosta: dila1904@yahoo.com
ფასი: 2 ლარი